

*Toggium
unde demo-
minatum.*

*b*urg insignia sunt Molossus Anglicus niger lingua rubra, & millus coloris Ferruginei. *Hic Molossus Anglis Dogg*, vero similiter Regioni primam nominis *Doggenburg* originem dedit, nisi forte cum Celeberrimo quodam nostrae urbis Theologo & Historico derivare velis à *Tucconia*, *Tucken*, Pago ad summum Lacum Tigurinum sito, antiquissimis Historicis Walafrido Strabo, qui vixit circa A.^{um} 614. Raperto Thuregiensi, qui vixit circa A.^{um} 880. memorato, qui saltē senioribus temporibus Comitum Toggicorum fuit.

*Vallis.
Thura.*

II. *Vallis Thuræ*, *Thurthal*, *Turthal*; quo quidem nomine generali veniebat olim, & justo titulo integer Comitus à Thuræ origine usque ad oppidum Wilam flumine irriguus. *Kar' ἔξοχω* verò Provincia superior, *das Obere Amt*, excepto oppido, totum nempe superius Toggium, quod inde à Liechtensteiga sese protendit, ad usque confinia Orientalia.

In hac Thura Valle sunt Communitates sequentes. *Gerichte*, *und Gerichts Gemeinden*. 1. *Vallis Thuræ* strictissimè dicta *Thurthal*.

Huc pertinent Pagi sequentes, *Krummenau*, *Enetbüel*, *Sidwald*, *Winterberg*, *Plomberg*, *Buel*, cum ædibus in vicinia dispersis, *Niderhaussen*, *Schlatt*: Prope Enetbüel sunt quoque rudera Arcis.

*Wattweil,
Pagus.*

2. *Wattweil*, *Wattweil*, Pagus horæ spatio distans à Liechtensteiga versus Meridiem loco ameno, prope quem congregari solent Comitia Toggica, die *Landsgemeind*. Ad hanc communitatem pertinet *Cappel*; porro Arx munitissima *Tberga*, *Tberg*, ædificata primum circa A.^{um} 1262. à Nobili *Hartmanno ab Tberg*, quæ brevi post in potestatem devenit Comitis Craftonis de Toggenburg, & hoc Comite prope Vitodurum superius per sicarium occiso, in manus Abbatis Sant Gallensis, jure donationis factæ ab ipso Hartmanno Proprietario, quo facto periit simul nova Arci huic imposita appellatio *Craftenburg*. Rediit quidem vi armorum rursus ad Comites, & ab his ad Abbatem Berchtoldum. Sub Guilielmo Abate, qui è Montfortiana fuit Familia, occupata fuit hæc ipsa arx à Rege Rodolpho Habsburgensi, & A.^o. 1405. ab Abbatiscellani

*Tberga,
arn.*

&

& Sancto Gallensibus; denique A°. 1710. per stratagema in manus venit Toggiorum. Triplicem hujus Castelli munitissimi faciem sicut TAB. V. VI. & VII. E regione Yber- TAB. V.
gæ supra Wattwilam extruxit Abbas Antagonistam Ybergæ VI. & VII.
Arcem *Bernfels*, *Bärenfels*, A°. 1240.

3. *Hemberg*, Pagus montanus Religionis utriusque.

4. *Zum Waffer*, *Wassergmeind*, quæ Communitas comprehendit solum Pagum *Neffau*, cum ædibus in illo districtu sparsis: nomen obtinuit à copia aquarum communitatem illam irrigantium, investitur namque à Thura, & Luterâ, quæ ultima à *Valle Thuræ* disterminat.

5. *Pagus & Monasterium divi Johannis vetus*, *Alt S. pagus Johann*, Benedictini Ordinis, fundatum circa A^{um} 1150, à quo-dam Nobili Wettelio de St. Johann, quoad locum: postea ^{er. Mo-} *nasterium D. Johann* verò ab ipsis Comitibus Toggicis, loci Advocatis insigniter *nis vetus*. ditatum. Fuerunt autem primi duo Monachi Cisterciensis Ordinis ex Cœnobio Trub Vallis Emmensis; postea autem fuit numerus Monachorum adactus, ipsisque Abbas Praefectus ex Cœnobio Trub, primo Abbatte demortuo, sub Pontificatu Eugenii tertii & Imperio Conradi III. Imperatoris Electus fuit Burcardus ex ipso fratrum numero. *Nobiles* ipsi de St. Johanne habitabant tum in Pago ipso, tum Velenæ; transvectum autem est Monasterium posteris temporibus in Pagum *Sydwald*, ubi nunc nomine *Neü St. Johann* viget; ut in veteri Monasterio unicus duntaxat Monachus resideat, pro reeditibus colligendis, & ut officiis sacris horas destinatas voeat; Insignia Monasterii sunt Agnus vexillifer albus in campo coeruleo. In hujus communilitatis districtu inter Pagos Stein & S. Johann sunt rudera Arcis *auf der Burg*.

6. *Wildenhaus*, Filia olim Parochiæ Gamserlis, in Paro- chiam redacta ab Abbe Huldrico: supremus Toggii Pagus nobilitatus nativitate Magni Reformatoris *Huldrici Zwinglii*, qui ibi primam vitæ suæ auram traxit ipsis calendis Januarii 1484. Patre *Huldrico Zwinglio*, Loci Ammanno, & Margaretha Meilia. Fuit olim hic Arx, die *Wilde Burg* cognomata, quæ adhuc in esse fuit A°. 1468. & olim ab Eindsidensi Cœnobio in Feudum concessum dicitur Comitibus Toggiis.